

SUBVENCIONS ANO 2021 PARA PROXECTOS DE MELLORA ENERXÉTICA DIRIXIDO A AUTÓNOMOS E PEMES CON ACTIVIDADE DE COMERCIO, HOSTALERÍA OU ARTISTICO-RECREATIVAS (PROGRAMA BONO ENERXÍA PEME)

Inicio solicitude: Desde o 14 de abril de 2021 ás 9:00 h.

Fin solicitude: 30 de setembro de 2021.

(Código IN417Z). ([DOG do 13 de abril de 2021](#)).

Conceptos subvencionables

Son proxectos subvencionables as inversións en equipos consumidores de enerxía ou elementos que contribúan a unha xestión enerxética eficiente incluídos nas seguintes tipoloxías de actuación:

- a) **Bono envolvente:** elementos de control solar (toldos ou láminas de control solar e/ou térmico. So serán subvencionables toldos de cor branco e/ou negro e variantes destas cores).
- b) **Bono iluminación:** renovación de equipos de iluminación interior e/ou exterior, incluídos rótulos e escaparates, por outros que utilicen tecnoloxía LED e os elementos de control asociados.
- c) **Bono instalacións eléctricas:** mellora da eficiencia enerxética en instalacións eléctricas garantindo unha subministración con calidade e fiabilidade (renovación de transformadores, incorporación ou renovación de sistemas de alimentación ininterrompida, compensación de enerxía reactiva, instalación de filtros economizadores ou similares).
- d) **Bono equipamento:** renovación do equipamento consumidor de enerxía como cafeteiras, lavalouzas, lavadoras, secadoras, pasadoras de ferro, vending, mobles frigoríficos, autoservizo e calquera equipamento de consumo enerxético propio do establecemento sempre que se poda acreditar unha cualificación enerxética B ou superior. Cando non se dispoña dun sistema de etiquetaxe oficial poderase utilizar como referencia outro sistema, como Eurovent ou similar. Deberá xustificarse a retirada do equipo existente e a súa entrega a un xestor autorizado.
- e) **Bono climatización:** equipos que permitan reducir o consumo de enerxía das instalacións de climatización, ventilación e auga quente sanitaria. Esta medida contempla exclusivamente as instalacións fixas con potencia superior a 5 kW destinadas a climatización, ventilación e/ou produción e consumo de auga quente sanitaria do establecemento, quedando fora do seu ámbito os equipos móbiles e os non permanentes para a climatización de terrazas e outros espazos abertos ao público. Se inclúen equipos de xeración que teñan unha cualificación enerxética B ou superior (cando non se dispoña dun sistema de etiquetaxe oficial poderase utilizar como referencia outro sistema, como Eurovent ou similar); tamén serán subvencionable a incorporación de recuperadores de calor, de sistemas de arrefriamento gratuíto, a mellora dos illamentos, sistemas de movemento de fluídos caloportadores e de regulación e control (sistemas de regulación en función de medicións de CO₂ ou da temperatura exterior, billas economizadoras accionadas mediante infrarroxos e outros).
- f) **Bono inmótica:** sistemas domóticos e/ou inmóticos que permitan xestionar a enerxía e o gasto enerxético de forma máis eficiente.

O investimento mínimo para que a actuación sexa subvencionable debe ser de 1.000 euros, sen incluír o IVE.

Cada solicitante poderá presentar unha única solicitude por cada centro de traballo. Cada solicitude poderá contemplar unha ou varias actuacións de distinta tipoloxía dentro dos bonos contemplados.

Beneficiarios

Poderán ser beneficiarios das subvencións as pequenas e medianas empresas legalmente constituídas e os empresarios autónomos que teñan domicilio social ou centro de traballo en Galicia e cuxa actividade estea incluída entre as seguintes seccións do CNAE 2009:

- Sección G: Comercio por xunto e polo miúdo, divisións de 45 a 47 incluídas.

- Sección I: Hostalería, divisións de 55 a 56 incluídas.
- Sección R: Actividades artísticas, recreativas e de entretemento, divisións de 90 a 93 incluídas.

Período de actuacións obxecto da subvención.

Serán subvencionables os gastos e investimentos realizados entre o **1 de xaneiro e o 30 de setembro de 2021**, dentro do territorio da Comunidade Autónoma de Galicia.

Contía máxima da axuda

A contía da subvención será do 80 % do custe elixible da actuación. Con carácter xeral, establécese unha axuda máxima de 6.000 euros por solicitude.

O importe total das axudas de minimis concedidas a unha única empresa non excederá de 200.000 euros durante calquera período de tres exercicios fiscais.

Presentación de solicitudes

A presentación das solicitudes realizarase unicamente por medios electrónicos a través do formulario electrónico normalizado accesible desde a Sede electrónica da Xunta de Galicia, <https://sede.xunta.gal>, e na páxina web do Inega, www.inega.gal. Xunto coa solicitude presentaranse, anexadas, copias dixitalizadas da documentación complementaria. Para poder facer a presentación electrónica o solicitante ou representante legal deberá posuír un NIF electrónico ou calquera outro certificado dixital en vigor.

Prazo para a presentación da solicitude

O prazo de presentación de solicitudes comeza o día 14 de abril ás 9:00 h e remata o 30 de xuño de 2021.

Modelos documentación solicitude

- [Poder de representación da persoa que presenta a solicitude \(Anexo II\)](#).
- [Memoria técnica do proxecto segundo o modelo dispoñible na web do Inega](#) (www.inega.gal).

Modelos de documentos para a xustificación do investimento

- [Declaración expresa de proxecto executado conforme á solicitude](#)
- [Modelo obrigatorio de publicidade \(tamaño mínimo A3\)](#)
- [Memoria Xustificación Publicidade Fondos FEDER](#)

Modelos de documentos

- [Anexo Renuncia](#)

Acceso á aplicación informática

[Prema para acceder á aplicación informática de cumprimentación e presentación de solicitudes.](#)

Máis información

Pode solicitar máis información poden poñerse en contacto no teléfono: 981 953 543, ou no concello de Vilar de Barrio, servizo de desenvolvemento local.